

րեալն Դ եկեղեցի էր և ազգին Ֆռանկաց ևս է. Բենտիփքտոս եկեղեցի մի Ֆռանկաց մնաց, բայց ամենայն գիրք և սպասք նորին թալանեցան և (պարտք) որ յաւուր Զջի (6 Ապրիլ) երեկոյէ մինչ ի Շարաթի երեկոյի, յորում աւուր է լեալ Ապրիլի՝ տօն Աւետեաց Կուսին Աստուածածնի: Զաղէտ սոցին ոչ կարեմ պատմել, զի ոչ ևս տեսաք որ կայաք յէտրէնէ և լուաք անդ, որ ի Խորդ աւուրս ի դուրս կացաք և ի լրմանն եկաք ի քաղաքս մեր և տեսաք բնաջինջ եղեալ զքաղաքն Ղալաթայ և զեկեղեցիքն ամրաչէն և արքայակերտ, մեծածախս և կամարաւոր, վայելուչս զարմանալի տեսողաց: Իսկ և դեռ ևս այժմ կան հերարձակ և ծոցաբաց և զոսկէնկարեալ պատկերսն, որ լացուցանէ զգիտողս խիղճ հայեացք նոցուցս: Այս լինէր վասն մեղաց մերոց, զոր զրեցաք համառօտ:

Կիրակի նոր որ յԱպրիլ ԻԹ. ոմն մանուկ տիօք և երիտասարդ հասակաւ ի Հայոց զարմէ ըստ սովորութեան իւրում մտանէ առ սիրառն, և յորժամ իմացեալ զգալուստ առն նորա՝ ելեալ ի տանիսն և անկանի ի վայր թէ փախչի, և մեռանէր իսկոյն: Զայն տեսեալ անցաւորք ճանապարհաց և Տաճիկք, այրն այն էմիր էր և կարգացող՝ ոչ հաւատայր ի տես ազգին իւրում թէ՛ ի տանէն իմ ոչ է այդ: Եւ ազգայինք և հայր մեռելոյն բերեալ ի տուն, և վարդապետն ոչ հրամայեաց կատարել զկարգ նորա և կամ թաղել երիցանց:

ԻԶ՝) Մայիսի Շարաթի աւուր մերձ յայրեալ տեղին ի Ղալաթայ, որ Մէյէթ դափիսի ասի, այրէր փոքր ինչ շինութիւնն ժ տունս և ժ տունս աւերաւ և ապա էջ հուրն:

Յետ Ե աւուր լինէր տօն Համբարձման, որ Մայիս ԼԱ և Տաճիկք պայրամ արարին:

1) ԻԷ.